

# 開放文學 – 風花雪月 – 鐵樹記

## 第一回 總敘儒釋道源流 群仙慶賀老君壽

引 許都仙，江南人也。厥祖累世陰德，都仙以西晉初誕，溯其自，蓋玉洞仙降世，豈夢熊夢馬者說哉！都仙幼穎異，長舉孝廉，擢旌陽縣令，赫有政聲。惟以五胡並亂，遂解簪紳，嶮然不染。既歸，適蛟螭肆虐，將舉豫章而匯之。若然，則民而魚也，都仙乃遠投謫母，傳以漢蘭公玄譜，殲滅殆盡，鎮以鐵樹，俾洪州地脈，奠安若磐石然。厥功懋矣！康寧間，合宅上升，則許氏之陰功有報，而玉洞之仙譜為無失者。我明距晉世雖多歷，而部仙屢出護國，是當代之鐵樹，奕葉且重光矣！予為之作記，匪妄匪妄！

時皇明萬曆癸卯春穀旦。  
竹溪散人題

詞曰：

春到人間景色情，桃紅李白柳條青。香車寶馬閒來往，引卻東風入禁城。醜剩酒，豁吟情，頓教忘卻利和名。豪來試說當年事，猶記得許旌陽收伏孽龍精。

粵自混沌初辟，民物始生，中間有三個大聖人，為三教之祖。三教是甚麼教？一是儒家，乃孔夫聖人，則述六經，垂靈萬世，為歷代帝王之師，為萬世文章之祖，這是一教。唐睿宗有御制贊雲：

猗歟夫子！實有聖德。其道可學，其儀不忒。刪詩定樂，百王取則。吾豈匏瓜，東南西北。

一教是西方釋迦牟尼佛祖，當時生在舍衛國剎利王家，放大智光明，照十方世界。地湧金蓮華，丈六金身，能變能化，無大無不大，無通無不通，普度眾生，號作天人師。這便叫做釋家，又是一教。有詩為證：

國開兜率在西方，號作中天淨梵王。

妙相端居金色界，神通大放玉毫光。

閻浮檀水心無染，優鉢曇花體自香。

率土蒼生皈仰久，茫茫苦海渡慈航。

一教是太上老君，乃元氣之祖。生天主地，生佛生仙，號鐵師元陽上帝。他化身周歷塵沙，也不可計數。至商湯王四十八年，他又來出世。乘太陽☉精化為彈丸，流入玉女口中。玉女吞之，遂覺有孕，懷胎八十一年，直到武丁九年，破齋而生。生下地時，鬚髮就白，人呼為老子。老子生在李樹下，因指李為姓，名耳，字伯陽，後騎著青牛出函谷關。把關吏尹喜望見青紫氣，知是異人，求得《道德真經》共五千言，傳留於世。老子入流沙，修煉成仙。今居太清仙境，稱為道德天尊。這又是一教，有詩為證：

玉女度塵嘩，和丸咽紫霞。

時憑白頭老，去問赤髭家。

瑤砌交芝草，星壇繞香花。

青牛函谷外，玄鬢幾生華。

話說三教之中，惟老君為道祖，居於太清仙境。彩雲統繞，瑞氣氤氳。一日是壽誕之辰，群三十三大天宮，並終南山、蓬萊山、閻苑山等處三十六洞天、七十二福地列位神仙，千千萬萬，萬萬千千，或跨著彩鸞的，或騎著白鶴的，或馭著赤龍的，或駕著丹鳳的，皆飄飄然乘雲霧以來，次第朝賀，獻上萬壽無疆詞，稽首作禮。

詞曰：

紅雲紫蓋葳蕤，仙宮渾是陽春候。玄鶴來時，青牛過處，彩雲依舊。壽誕宏開，喜道德五千言流傳，萬古不朽。況是擺列仙筵，獻珍果、人間未有。巨棗如瓜，與著萬歲冰桃，千年碧藕。此乾坤永劫無休，舉滄海為真仙壽。

《水龍吟》

彼時，老君見群仙贊賀，大展仙顏，即設宴相待。你看那仙家的筵席，齊整不齊整。且聽我說來。則見：

碧澄澄冰壺湛玉露，光閃閃開宴出紅妝。芳馥馥作脯的是中山玄鹿，甜蜜蜜為膾的是西苑種羊。赤緊緊作鮓的是東海巨鯉，活喇喇下湯的是北嶺飛凰。仙果列著紅豔豔的蟠桃千萬顆，仙花開著嬌嫩嫩的異卉兩三行。聲啾啾的碧雞啼唱，影翩翩的彩鳳翱翔，聽的是啾啾啾啾刮耳的鈞天樂，聞的是氤氳氤氳撲鼻的御爐香，仙酒醞釀的甜甜熟熟，仙珮鳴響的叮叮鏗鏘。俊俏俏的金童擎著玉盞，輕巧巧的玉女捧著霞觴。鐵拐李醉得行無好步，呂洞賓醉得一發風狂。張天師醉得睜眉露眼，玄帝祖師醉得撒發飛揚。白玉蟾醉得脫衣卸膊，薩真人醉得捏訣那邪。

真個是：

神仙齊赴會，別是好風光。

酒至半酣，忽太白金星越席言曰：「眾仙長，知南瞻部州江西省之事乎？江西分野，舊屬豫章，其地四百年後，當有蛟蜃為妖，無人降伏。千百里之地，必化成中洋之海也。」老君曰：「吾已知之，江西四百年後，有地名曰西山，尤盤虎踞，水繞山環，當出異人姓許名遜，可為群仙領袖，殲滅妖邪。今必須一仙下凡，擇世人德行渾全者，傳以道法，使他日許遜降生，有傳授淵源耳。」門中一仙乃孝悌王，姓衛名弘康，字伯衝，出曰：「某觀下凡有蘭期者，素行不疚，兼有仙風道骨，可傳以妙道。更令付此道與女真謫母，湛母付此道於許遜，口口相承，心心相契，使他日真仙有所傳授，江西不至沉沒。諸仙以為何如？」老君曰：「善哉！善哉！」眾仙即送孝悌王至燄摩天中，通明殿下，奏聞玉帝。

時玉帝御殿文武班齊，問雲：「何臣俯伏仙班？奏何文表？一一披宣。」孝悌王奏雲：

臣聞除災救患，上帝仁心。授道傳心、法流正派。竊見南瞻部州豫章之郡，星分翼軫，地列衡廬。襟三江而帶五湖，控蠻荆而引甌越。民生繁庶，土地寬饒，誠名都也。四百年後，當有蛟蜃為妖，害虐黎庶，切恐悠悠洪都，化作洋洋中海，臣不忍之。惟西山勝地，草秀毓靈。異人許遜，當應運而生，收復蛟精，統領仙派，第以法教無傳，淵源曷自？今兗州有道真蘭期，丹陽有女真謫母，德行純全，粹然法器，臣茲欲臨凡世，將此妙道先授蘭期，俾蘭期再傳謫母，謫母后傳許遜。一則降伏蛟孽，俾護生靈。一則衍教仙宗，法雲流潤。臣無任瞻天仰聖。激切屏營之至。